



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICO-CHIRURGICA*,

QUOD LIBETARIIS DISPUTATIONIBUS

*manè discutienda in Scholis Medicorum, die Martis decimâ - nonâ
mensis Februarii, anno Domini M. DCC. LXXXII.*

M. HUGONE GAUTHIER, Consiliario Regis Medico,
Doctore Medico, Præsîde.

AN NOXIÆ VULNERIBUS TURUNDÆ?

I.

UT vita Hominis ab Arte & Naturâ dependet, sic ab
utrâque conservatur: Cujusque suæ sunt munia sæpa-
rata vel mixta. Interdum Natura ex se sola medicatrix, sæpius

* Authore M. Jacobo Fournieu, anno 1732.

C-15

egena, ni juvetur ab Arte. In multis siquidem Natura ei quod nobis emolumento esse queat contrarium molitur ac perficit, quoniam ipsa solo instinctu regitur; Ars verò rerum ducitur cognitione ac intelligentiâ: Ideòque Medicina plurima præstat suprà vires & potestatem Naturæ in morborum curatione, ope Chirurgiæ, plus manu proficientis quàm medicamento.

I I.

EST autem Chirurgia antiquissima Medicinæ ministra, atque consistit in duobus, instauratione & detractioe. Ad instaurationem pertinet deligatio, spleniorum & sulcimentorum usus, futura & fibularum impositio. Ad detractioem refertur tractio, propulsio, avulsio, divulsio, solutio etiam continui quæ sit in parte durâ, vel molli, vel utrâque. In molli sectio, punctio; in durâ ferratio, limatio, rasio & perforatio; in utrâque ustio & excisio. Hujus Chirurgiæ apprimè peritum decet esse Medicum, operationem ministris relinquere, qui magisterio Medici dirigantur. Chirurgus verò sit juvenis, Castra sequatur & Nosocomia frequentet, ut Vulnerum discrimina cognoscat.

I I I.

QUAMVIS enim Vulnerum curandorum indicationes sint consimiles, unionis solutionem refarcire, sublatâ inflammatione per venæ sectionem & refrigerantia, saniei deterfione & Carnis reparatione per exsiccantia & detergentia. Attamen pro variâ partis naturâ, & rei lædentis

qualitate aliter tractantur Vulnere. Si Capiti Vulnus inflic-
tum, etiam leve non negligendum, cui medetur sanguinis
detractio, liberalior si fuerit os læsum, quod Trepano
excindetur. Pectoris Vulnere penetrantia, etiam perfoſſis
Pulmonibus, non ſemper lethalia, uberiore & repetitâ
ſanguinis detractiōe ſanantur: Proindè in magnis Vulneri-
bus corpus inediâ macerabis & exangue reddes. Ratione rei
lædentiſ, ſive contundentiſ, ſive venenatâ aliter percurantur.
Vulnere, qualia ſunt à ſclopetiſ. Sed omnia rarò ſolvenda
atque medicanda, & niſi profundè ſinuoſa ſint aut compli-
cata, non adhibeantur Turundæ.

I V.

EX multiplici Lineamentorum genere quod in tractan-
dis Vulneribus uſurpatur, aliud eſt externum, quod
Plumaceolus vulgò dicitur, aliud internum, Turunda dictum.
De poſtremo tantum inquiritur, cujuſ apud Veteres pluri-
mæ ſunt differentiæ, quibus indita ſunt nomina à formiſ
& figuris quibus effinguntur, vel à materiâ ex quâ con-
ſtantur, cujuſ modi ſunt Lintheum, Ellychnium, aut Suber,
Spongia, radix Gentianæ, Argentum, Plumbum, Stannum,
ex quibus efformantur canaliculi, ad implendas Turunda-
rum vices.

V.

INDUNTUR Vulneribus Turundæ ut aperiant &
dilatent ad egreſſum puriſ, vel alieni corporiſ extrac-
tionem. Sed quantum officiunt curationi vulnerum indè

4
 liquet, quòd vulnera, si recentia, sunt dolorifica, ideòque non irritanda metu fluxionis Turundarum intrusione, quas Natura Vulnerum medicatrix nititur semper excutere; si vetusta, non egent Turundis, quæ coalitum impediunt conservantque ulcera. Deindè Puris continuum effluvium sistunt, cujus morâ & putredine magis effodiuntur & excavantur ulcera, atque ferina fiunt.

Ergò noxiæ sunt Vulneribus Turundæ.

DOMINI DOCTORES DISPUTATURI.

<i>M. Eduardus-Franciscus-Maria BOSQUILLON, Eques, rei Herbariæ Professor, è Societate Medicâ Edimburgensi, Professor & Censor Regius.</i>	<i>M. Joannes-Jacobus PAULET.</i>	<i>M. Marinus - Jacobus - Clarus ROBERT, S. Ducis Biptonini, dum viveret, Archiater, necnon à Consiliis & Secretis.</i>
<i>M. Ludovicus-Carolus-Henricus MAQUART.</i>	<i>M. Sanctus-Ludovicus GUINDANT, è Regiâ Scientiarum Academiâ Montpelierensi.</i>	<i>M. Maximilian-Josephus LEYS.</i>
<i>M. Joannes-Franciscus-Jacobus ROUSSILLE DE CHAMSERV.</i>	<i>M. Claudius-Ammonius CAILLE, è Societate Medicâ Edimburgensi.</i>	<i>M. Joannes DESCOMET, Censor Regius.</i>

Proponebat Parisiis JOANNES - NICOLAUS CORVISART-DESMARETS, Rhemensis, Saluberrimæ Facultatis Medicinæ Parisiensis Baccalaureus.
 A. R. S. H. 1782. AB OCTAVA AD MERIDIEM.